



第一四六八冊

四庫全書

● 上海古籍出版社

本冊目次

元
初
卷
詩

選
集
首
(一)

清顧嗣立編……………一

策六四六八冊

●上海古籍出版社

欽定四庫全書

集部
元詩選初集卷首至二

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣暴暄

欽定四庫全書

集部八

元詩選

總集類

提要

臣等謹案元詩選初集六十八卷卷首一卷
二集二十六卷三集十六卷

國朝顧嗣立編嗣立字俠君長洲人康熙壬辰
進士改庶吉士是選凡三集每集之中又以
十干分為十集而所謂癸集者有錄無書故

欽定四庫全書

元詩選初集
提要

皆止於九集焉初集所錄自帝王別為卷首
外元好問以下凡一百家二集所錄段克己
弟兄以下凡一百家三集所錄麻革以下凡
一百家每人各存原集之名前列小傳燕品
其詩雖去取不必盡當而網羅浩博一一採
自本書具見崖畧非他家選本鉅釘綴合者
可比有元一代之詩要以此本為鉅觀矣嗣
立稱所見元人之集約四百餘家方今

詔採遺書海內祕藏無不輻輳中間為嗣立所未

見者固指不勝屈而嗣立所見今不著錄者

亦往往有之蓋相距五六十年隱者或顯而

存者亦或偶佚殘膏賸馥轉藉是集以傳則

其功亦不可沒矣乾隆四十六年十月恭校

上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

元詩選初集

三

欽定四庫全書

元詩選初集卷首

文宗皇帝

庶吉士顧嗣立編

自集慶路入正大統途中偶吟

穿丁襖衫便著鞭一鉤殘月柳梢邊二三點露滴如雨

六七箇星猶在天犬吠竹籬人過語雞鳴茅店客驚眠

須臾捧出扶桑日七十二峯都在前

望九華

欽定四庫全書

元詩選初集

昔年曾見九華圖為問江南有也無今日五溪橋上見

畫師猶自欠工夫

順帝

贈吳王

金陵使者過江來漠漠風煙一道開王氣有時還自息

皇恩無處不周回莫言率土皆王化且喜江南有俊才

歸去丁寧頻屬付春風先到鳳皇臺

元詩選初集卷首

欽定四庫全書

元詩選初集卷一

庶吉士顧嗣立編

元好問遺山集

好問字裕之太原秀容人七歲能詩有神童之目年十四從陵川郝天挺學六年而業成下太行渡大河為箕山琴臺等詩禮部趙秉文見之以為近代無此作也于是名震京師謂之元才子金宣宗興定三年登進士第不就選往來箕

欽定四庫全書

元詩選初集

穎者數年除南陽令調內鄉歷尚書省掾左司都事員外郎天興初入翰林知制誥金亡不仕元世祖在藩邸聞其名將以館閣處之未用而卒年六十有八世稱遺山先生先生天才清曠邃婉高古沈鬱太和力出意外功鐫而不見斧鑿新麗而絕去浮靡雜弄金碧採飾丹青奇芬異彩動蕩心魄以五言為雅正而出奇于長句雜言樂府不用古題新意特出歌謠慷慨挾幽

并之氣晚年尤以著作自娛謂金源氏實錄在

順天張萬戶家國亡史興已所當任乃言于張

顧為撰述人或沮之先生曰不可使一代之迹

泯而不傳乃構亭于家名曰野史采摭所聞以

寸紙細字輒為記錄至百餘萬言世所傳者詩

文集外有中州集壬辰雜編及杜詩學東坡詩

雅錦機詩文自警等書自中原板蕩風雅道衰

汴京之亡故老都盡先生蔚為一代宗工以文

欽定四庫全書

元詩選初集

章獨步者幾三十年由是學者知所指歸作為

詩文皆有法度百年以還名家輩出別裁偽體

溯流窮源論者以先生為標準不亦宜乎

箕山

幽林轉陰崖鳥道人迹絕許君棲隱地唯有太古一作荒

雪人間黃屋貴物外秋自潔尚厭一瓢喧重負寧所屑

降衷均義粟汨利忘智決得隲又望蜀有齊安用薛千

戈幾蠻觸宇宙日流血魯連蹈東海夷齊一作采薇巖

至今陽城山衛華兩丘垤古人不可作百念肝肺熱浩歌北風前悠悠送孤月

隄山置酒

同內翰馬文叔獻雷兄希顏賦詩分韻得賓字

靈宮肅清曉細柏舍古春人言王子喬鶴馭此上賓白雲山蒼蒼平田木欣欣登高覽元化浩蕩融心神西望洛陽城大路通平津行人細如蟻擾擾爭紅塵蓬萊風濤深鬢毛日夜新殷勤一杯酒媿爾雲間人

光武臺

欽定四庫全書

元詩選初集卷一

三

東南地上游荆楚兵四衝遊子十月來登高送長鴻當年赤帝孫提劍起蒿蓬一顧渚水斷再顧新都空雷震萬萬古青天看飛龍歸然此遺臺落日荒煙重誰見經綸初指揮走羣雄白水日夜東石麟幾秋風空餘廣武歎無復雲臺功

頽亭留別

同李治仁卿張肅子敬王元亮子正分韻得畫字

故人重分攜臨流駐歸駕乾坤展清眺萬景若相借北風三日雪太素秉元化九山鬱崢嶸了不受陵跨寒波

淡淡起白鳥悠悠下懷歸人自急物態本閒暇壺觴負吟歎塵土足悲曉回首亭中人平林澹如畫

澠亭

春物已清美客懷自幽獨危亭一徘徊儵然若新沐宿雲淡野川元氣浮草木微茫盡楚尾平遠疑杜曲生平遠遊賦吟諷心自足竭來著世網抑抑就邊幅人生要適情無榮復何辱乾坤入望眼容我謝羈束一笑白鷗前春波動新綠

欽定四庫全書

元詩選初集卷一

四

出京

史院得告歸嵩山侍下

從宦非所堪長告欣得請驅馬出國門白日觸隆景半生無根著飄轉如斷梗一昨隨牒來六月阻歸省城居苦秋隘羣動日蛙黾慙媿山中人團茅遂幽屏塵泥久一作相浣一作夢寐見清潁矯首孤飛雲西南路何永

元魯縣琴臺

荒城草木合破屋風雨侵千年一琴臺睠馬涕盈襟遺愛食縣社公寧不堪任此臺即甘棠忍使無餘陰幸舍

高以華大豪日捐金蒼雲玄武莫鬼物憑陰岑尚德抑
玄虛隆典誰當尋我興薦寒泉百拜公來臨公來不能
知落日下饑禽懷哉空山裏鶴飛猿與吟當年千萬歌
補袞一何深承平示得意獨能正哇淫召相此一時又
復悟良箴謏臣坐廢典蓋亦起幽沈蒲輪竟願藪香草
空深林寂寞授書室孤甥舉遺棄生平諒已然薄俗矧
來今千山為公臺萬籟為公琴夔曠不竝世月露為知
音人間號謬耳已矣非公心

元道州文編以元魯山為
元魯縣又臺今為玄武祠

欽定四庫全書

之故及

古意二首

七歲入小學十五學時文二十學業成隨計入咸秦秦
中多貴遊幾與書生親年年抱關吏空笑西來頻在昔
學語初父兄已卜鄰跛鼃不量力強欲綠青雲四十有
牧豕五十有負薪寂寥抱玉獻賤薄倡優陳青衫亦區
區何時畫麒麟遇合僅一二饑寒幾何人誰留章甫冠

萬古徒悲辛

桃李弄嬌嬌梨花澹丰容盈盈兩無語戰戰爭春風春
風何許來草木誰青紅天公亦老矣何意夸兒童昨朝
花正開今朝花已空川流不肯駐并與繁華東梗楠千
歲安能讎空谷中陽和不擇地亦復難為功本無兒女
心安用尤天公

贈荅劉御史雲卿

學道有通蔽今人乃其尤溫柔與敦厚婦滅不復留高
蹇當父師排擊劇寇擊真是未可必自私有足羞古人

欽定四庫全書

元詩選初集

六

相異同寧復操戈矛春風入萬物枯枿將和柔克已未
有加歸仁亦何繇先儒骨已腐百罵不汝酬胡為文字
間到垢搜癡疣吾道非申韓袞哉涉其流大儒不知道
此論信以不我觀唐以還斯文有伊周開雲揭日月不
獨程張儔聖途同一歸論功果誰優戶牖徒自開

一作開

膠漆本易投九原如可作吾欲起韓歐

送欽叔內翰并寄劉達卿郎中白文舉編修二首

君性我所嗜我心君所知凡我之所短君亦時有之謀

事恨太銳臨斷恨太遲持論恨太高徇俗恨太卑人道
自近始貧富理不齊君自不得飽欲療何人饑乞醢乞
諸鄰聖哲有明識被髮抹鄉人智者所不為且如與人
交交有非所宜白黑不復擇豁豁傾心脾況愛豈不可
後悔終自貽又如與人言寧復無失辭刺口論成敗白
眼談歌詩世故發黃間能不發其機聞君作損齋似覺
豪華非慙忿與室德百年有良規與子各努力歲晚以
為期

欽定四庫全書

元詩選初集

七

古人遥相望每恨不同時同時得古人歡樂良在茲君
歸豈不佳交遊滿京師門前車馬來笑言慰所思細話
洛陽事高詠嵩山詩宮壺發新篇宮梅耿幽姿故應劉
與白亦復念微之

飲酒五首

襄城作

西郊一畝宅閉門秋草深牀頭有新釀意慙成孤斟舉
杯謝明月蓬草肯相臨願將萬古色照我萬古心
去古日已遠百偽無一真獨餘醉鄉地中有義皇淳聖

教難為功乃見酒力神誰能釀滄海盡醉區中民

利端始萌芽忽復成禍根名虛實禍將相安足論驅
驢上邯鄲逐兔出東門離官寸亦樂里社有拙言

樂晉但
謬云然

萬事有定分聖智不能移而於定分中亦有不測機人
生桐葉露見日忽已晡唯當飲美酒儻來非所期
此飲又復醉此醉更酣適徘徊雲間月相對澹以默三
更風露下中袖警微溼浩歌天壤間今夕知何夕

欽定四庫全書

元詩選初集

後飲酒五首

陽翟作

少日不能觴少許便有餘此得酒中趣日與杯杓俱一
日不自洗肝肺如欲枯當其得意時萬物寄一壺作病
知奈何妾婦良區區但塊生理廢饑寒到妻孥吾貧蓋
有命此酒不可無

金丹換凡骨誕幻若無實如何杯杓間乃有此樂國天
生至神物與世作耐適豈曰無妙理混漾莫容詰康衢
吾自樂何者為帝力大矣白與劉區區頌功德

客從崧少來，貽我招隱詩。為言學仙好，人間竟何為。一笑顧容言，神仙非所期。山中有酒，吾與爾同歸。

酒中有勝地名，流所同歸人。若不解飲俗病，從何醫此。語誰所云？吾友田紫芝、紫芝雖吾友，痛飲真吾師。一飲三百杯，談笑成歌詩。九原不可作，想見當年時。

飲人不飲酒，正自可飲泉。飲酒不飲人，屠沽從弊鮮。酒如以人廢，美祿何負焉？我愛靖節翁，於酒得其天。麗通何物人，亦復為陶然。兼忘物與我，更覺此翁賢。

欽定四庫全書

元詩選初集

九

少林

雲林入清深，禪房坐蕭爽。澄泉潔餘習，高鳥喚長往。我無玄豹姿，漫有紫霞想。回首山中雲，靈芝日應長。

劉曲龍潭

一無劉曲二字

層冰積浩蕩，陵谷低吞吐。窈窕轉幽壑，崑崙開淨宇。回頭山水縣，亦復墮塵土。孤雲鎖梁北，宇宙一仰倪。風景初不殊，川塗忽修阻。寒潭海眼淨，魑魅自太古。蟄龍何年卧，萬國待霖雨。誰能裂蒼崖，雷風看掀舉。

山中人歲早則判大

石入潭中，以鼓龍。瞬息致雨，故云。

麥歌

借地乞麥種，微俸今年秋。乞種禹云可，無丁復無牛。田主好事人，百色副所求。吟吟三百斛，寬我饑寒憂。我夢溱南川，平雲綠油油。起來望河漢，旱火連東州。四月草不青，吾種良沒收。田間一太息，此歲何時周？向見田父言，此田本良疇。三歲廢不治，平聲種則當倍收。如何落吾手，年年變難猴。身自是早母，咄咄將誰尤？人滿天地間，

欽定四庫全書

元詩選初集

十

天豈獨吾誓，正以賦分薄。所向因拙拙，不稼且不穡。取禾亦何繇，辦作高敬通。惡雨將漂流，吾貧有濫觴。賢達未始羞單衣，適至斛一劍。又聞緱馬知寄食，餓不取丞。相俟作詩，以自廣。時用高聲韻。

龍門雜詩

石樓繞清伊，塵土天所限。人言無僧久，草滿不復刈。灘聲激悲壯，山意出高爽。當年香山老，挂冠遂忘返。高情留詩軸，清話入禪版。誰言海山去，蕭散仍在眼。溪寒不

可涉倚杖西林晚

豐山懷古

豐山一何高古屋蒼煙重開門望吳楚鳥去天無窮連
山橫巨龍白水亘長虹川原鬱佳氣自古南都雄炎精
昔季興卧龍起隆中落落出奇策言言揭孤忠時事有
可論生晚恨不逢漢賊不兩立大義皎日同吳人操等
耳忍與分河潼奪操而與權何以示至公一民漢遺黎
尺地漢故封守民及守土地與相終不能禦寇讐顧

欽定四庫全書

元詩選初集

十一

以寇自功既異鴻溝初入非列國從一券捐一作半產

二祖寧汝客端本一已失孤唱誰當從至今有遺恨廟

栢號陰風舊聞清冷淵天籟如撞鍾山徑野人語誕幻

欺孩童開元有亂陪鹿飲溫泉宮黃猿何為者乃爾能

嘯兇乾坤之大音久鬱理當通清霜旦夕落佇爾驚羣

聾孔明自謂漢室季興清冷淵黃猿出見廟碑達開元事

乙酉六月十一日雨

一早近兩月河洛東連淮驕陽佐大火南風卷黃埃草

樹青欲乾四望令人哀時時怪事發雨雹如李梅我夢

天河翻崩騰走雲雷今日復何日駛雨東南來元氣淋

漓中焦卷意已迴良苗與新穎鬱鬱無邊涯書生如老

農苦樂與之偕間聞吉語一笑心顏開百年酒如漿

乾溢安能裁一作惟當作高康多具尊與壘家人笑問

我君田安在哉賦雨與快同音見魏志

觀浙江深浙水今在鄞陽見水經注非浙江也

一早千里赤一雨垣屋敗浙故以江名暴與衆壘會初

欽定四庫全書

元詩選初集

十二

驚沙石卷稍覺川谷隘雷風入先驅大塊供一億千帆

鼓前浪萬馬接後派崩崖不暇顧拔木無留礙憑陵如

指勢洄洑各有態平分乍舒徐怒觸忽碎壞雲蒸楚樹

杪雪映商嶺背髮髯千丈潮悅與海門對飲飛闌蛟鱗

燃犀出鱗介陽侯富陰族萬首露先怪翠甍儼寒鉦

鼓亂砲礮永懷疏鑿力重歎神禹大乾坤海為壑未礎

變橫潰納汗非無處流惡耶自快投詩與龍盟滌蕩煩

一再時科大散五日矣

鵲雀崖北龍潭

層崖閼頽陰水木深以阻湍聲半空落洶洶如怒虎風
生木葉脫魄動不敢語何年渾沌竅靈物此棲處初從
一綫溜開鑿到神禹雲雨鼓飛浪噴薄齊萬弩藏珠驪
龍額百斛快一吐油油入無底細散不濡縷歸藏海有
穴汎溢愁下土南峰天一柱萬古鎮幽府江山有奇探
落景迫行旅多慙如芝人終年看飛雨

五松平

欽定四庫全書

元詩選初集

十五

竹港晨露白石門秋氣寒湍流落澗壑細路深茅菅江
平白石出竟日沿清灣四顧不見人山鳥時間闌蒼崖
入地底煙靄青漫漫力盡不能過却坐空長歎青天白
雲間可望不可攀虛名竟何得行路乃爾難

贈荅楊煥然

詩亡又已久雅道不復陳人人握和璧燕石誰當分關
中楊夫子高誨世所聞十年玄尚白藜藿甘長貧有來
河水篇四海付斯文斯文有定在桓生知子雲古來知

已難萬里猶比鄰千人國中和要非心所親東楚西南
秦望君勞我神相逢不得語別去徒殷勤白雲不可贈
相思秋復春

送詩人李正甫

陽和入枯林霽霽含芳津山頭太古石不與萬物春朝
從木客遊莫將山鬼鄰紫芝僅盈菊幽蘭不克纫青雲
入長吁肝膽空輪困我嘗讀君詩天趣觸眼新春遊得
豪宕晉產餘真淳怒虎不受唾駭鹿未易馴安坐誰不
如半生走迤巡蒼蒼不可問藐藐誰當親青山礪為塵
白日無聞人空歌東野曲不抹西州貧

晚發石門渡湍水道中

水經流
音專

疎星澹秋明陰霞絢朝映積雨成坐愁晨光動幽興石
門歸馭引湍浦漁舫竝曠蕩萬景新歸藏四山靜平湖
風漪綠遶岸秋沙淨洋洋游魚一作逝汎汎輕鷗泳隱
顯乖夙心感遇一作寓見真性倦遊時自憚違已將安竟
憂端從中來茫茫發孤詠

欽定四庫全書

元詩選初集

十五

放言

韓非死孤憤虞卿著窮愁長沙一相繫郊島兩詩囚
生定能幾肺肝日相餽井蛙奚足論禪蟲良足羞正有
一朝樂不償百年憂古來帝王師或從赤松遊大笑人
間世起滅真浮漚曾是萬戶封不博一掉頭有來且當
避未至吾何求悠悠復悠悠大川日東流紅顏不暇惜
素髮忽已稠我欲升蒿高揮杯勸浮丘因之兩黃鵠浩
蕩觀齊州

欽定四庫全書

元詩選初集

十五

黃公廟

羈客無恒居六月走長路清風黃公祠地古欣所遇劍
飛素靈哭龍躍雲雨赴堂堂丈成君談笑取帝傳功名
要有命陰相果何預誰謂圯上人異事驚竹素河清不
可俟筋力疲世故袖間一編書塵埃數遲莫

學東坡移居八首

錄六

誰謂我屋寬寢處無復餘誰謂我屋小十口得安居南
榮坐諸郎課誦所依於西除著僮僕休沐

一作得自如

老我於其間元元窮朝哺起立足欠仲偃卧足展舒窻
明火焙煖似欲忘因拘屋前有隙地客舍不可無花閣
及菜圃次第當耘鋤東野戴家具家具少於車我貧不
全貧尚有百本書

故書堆滿牀故物貯滿箱渾渾商寶高疊疊漢銅章杖
飾昭敬恭嚴卯訶痺剛雷文繞杖節獸面出珮璜私印
刻王尊玉斗蛟龍翔逸少留半紙魚網非硬黃亦有墨
首帖不辦作鴈行雪景瘡思物宣政舊所藏晉公古漁

欽定四庫全書

元詩選初集

十六

父浩歌濯滄浪因觀宮騎圖卧曉識提囊谿石含餘潤
吳墨凝幽香南榮挂風響雲裾珮鏗一作鐙鋤鏡背先秦
書八字環中央讀之三數息此日何時光

壬辰困重圍金粟淪升勺明年出青城瞑目就束縛毫
釐脫鬼手攘臂留空索聊城千里外狼狽何所託諸公
頗相念餘粒分危鶴得損不相償坏土填巨壑一冬不
製衣繒纈如紙薄一日僅兩食強半雜藜藿不羞蓬累
行粗織瓢飲樂敵貧如敵寇自信頗亦慙兒號飯糲空

堅陣為屢却滄溟浮一葉渺不見止泊五窮果何神為
戲乃爾虐

舊隱嵩山陽筍蕨豐饒餉新齋浙江曲山水窮放浪乾
坤兩茅舍氣壓華屋上一從陵谷變歸顧無復望漁樵
一作
漁樵憶往還一作
遊雅風土夢閒曠恍如悟前身姓改心不

忘去年住佛屋盡室寄尋丈今年僦民居卧榻破盆盜靜
言尋禍本正坐一出妄青山不能隱倪首入羈鞅衆傾

卯隨覆身在顏亦強空悲龍鬣絕永負魚腹葬置錐良

欽定四庫全書

有餘終身志悲愴一作
悲創

元詩選初集

七

國史經喪亂天幸有所歸但恨後十年時事無人知興
廢屬之天事豈盡乖違傳聞入離敵祇以興罵譏老臣
與存亡高賢死兵饑身死名亦滅義士為傷悲哀淮
西城萬夫甘伏尸田橫巨擘耳猶為談者資我作南冠
錄一語不敢私裨官雜家流國風賤婦詩成書有作者
起本良在茲朝我何所營莫我何所思胸中有茹噎欲
得快吐之溼薪煙滿眼破硯水生髭造物留此筆吾貧

復何辭

此州多寓士論年悉肩隨風波同一舟奚必骨肉為倪
家蓮花白每釀必見貽季昌妙琴事足以相娛嬉郭侯
家多書扁帙得徧窺趙子篤於學間以問所疑王生舊
鄰舍窮達心不移千里訪存歿十口分寒饑獨有仲適
甫天馬不可羈直以論詩文稍稍窺藩籬永懷王與李
朔漢行當歸書來聞吉語報我脫繫維慚非一狐腋不
直五穀皮戎作野史亭日與諸君期相從一笑樂來事
無庸知

欽定四庫全書

元詩選初集

六

濟南廟中古檜同叔能賦

亭亭祠宮檜鬱鬱上雲雨扶持幾年造物心獨苦青
餘玉川潤根入鐵岸古雖舍棟梁姿斤斧安得取沈湮
地中久駭浪思一鼓天柱屹不移水國莫平土乾坤此
神物甲乙存世譜瀨鄉留耳孫闕里傳鼻祖秦松徒自
汗蜀柏耶共數會待十抱成茲馬重摩拊

別李周卿二首

行路澀於棘，單車望于山。歌君歸雲曲，清淨留餘潛。六年河朔州，動輒得謗訕。惟君篤萬義，日來款柴關。古交松柏心，今交桃李顏。古人去不返，古道挽不還。相思一尊酒，幽恨寄山間。

城居日龜，局促復局促。去作山中客，放浪誰檢束。溪光淡於冰，山骨淨如玉。懷我同心人，團茅住深竹。垂綸鮮可食，種秫酒亦足。石壇三萬丈，醉眼天一粟。安得萬里風，相從兩黃鶴。

周卿學有淵源，東州詩人未見其比。與予約西游，如詩中所說。

欽定四庫全書

元詩選初集

十九

九日讀書山用陶詩，雲淒、風息、氣清、天曠，明為

韻賦十詩

錄六

行帳適南下，居人踞庭戶。城中望青山，一水不易渡。今朝川涂靜，偶得展衰步。蕩如脫囚拘，廣莫開四顧。半生無根著，筋力疲世故。大似丁令威，歸來歎墟墓。鄉閭喪亂久，觸目異平素。粉榆雖尚存，歲晏多霜露。

山腰抱佛剎，十里望家園。亦有野人居，層崖映柴門。昔我東巖君，曾此避塵喧。林泉留杖屨，歲月歸琴尊。翁今

為飛仙，過眼幾寒暄。蒼蒼池上柳，青衫見諸孫。疎燈照茅屋，新月入頽垣。

二句先人詩

依依覽陳迹，惻愴不能言。

宇宙有此山，閱世過鳥疾。何人不此游，名姓寧復識。茲辰世所重，前代多盛集。柴桑有故事，二謝留俊筆。并數孟與桓，此外誰記憶。人生百年內，踏地皆陳迹。獨惟我輩人，興懷念今昔。山林與泉石，

一作泉

壤自古長太息。

往年在南都，閒聞主文衡。九日登吹臺，追隨盡名卿。酒酣公賦詩，揮灑筆不停。蛟龍起庭戶，破壁春雷轟。堂堂

欽定四庫全書

元詩選初集

二十

髯御史，痛飲益精明。亦有李與王，玉樹含秋清。我時最後來，四座頗為傾。今朝念存沒，壯心徒自驚。

我在正大初，作吏浙江邊。山城官事少，日放浙江船。菊潭秋華滿，紫萸釀寒泉。甘腴入小苦，幽光出清妍。歸路踏明月，醉袖風翩翩。父老遮我留，謂我欲登仙。一別半山亭，回頭餘十年。江山不可越，目斷西南天。

吾山一何高，清涼屹相望。龍頭出白塢，佛屋壓青嶂。雲先見秋半，旭日發豪相。我我寶樓閣，金界儼龍象。鄉曲

二十年香火關瞻向金花香繚半夢想雲雨上福田行
欲近重為詩酒障終當陟層巔放眼天宇曠

梨花海棠二首

梨花如靜女寂寞出春暮春工惜天真玉頰洗風露素
月淡相映蕭然見風度恨無塵外人為續雪香句孤芳
忌太潔莫遣凡卉妒

妍花紅粉妝意態工媚嫵窈窕春風前霞衣欲輕舉金
盤渺華屋國豔徒自許依依如有意脈脈不得語詩人

欽定四庫全書

元詩選初集

王

太冷落愁絕殘春雨

題張左丞家范寬秋山橫幅

層崖閼長陰細徑緣絕巘梯雲閣千峻廓廓清眺展斜
陽半天赤飛鳥大江遠清霜張秋氣草樹生意霸風雪
斫堅敵旗旂紛紛仆偃崢嶸峰巒出莽蒼林薄晚盤盤范
家筆老懷寄高竇經營入慘淡得處乃蕭散萬丘動歸
興突兀青在眼何時卧雲身團茅遂疎嬾

宿張靖田家

地屬
壽陽

川涂盡坡陀嶺路入荒梗微茫望煙火向背得廬井殘
民安撲陋倦客喜幽屏兒童聞叩扉租吏有餘警兩崖
紛叢薄砂石立頑獷湍流落空嵌百折一作不容驂山
深饒風露夜氣凜以耿園花淡相望邊月空照影深居
苦不早素髮忽垂領誰謂林野人茲焉惜清景

寶巖紀行

陰崖轉清深秋蒼木堅瘦城居望已遠步覺脫氛垢寶
巖夙所愛大室方再叩曠黑纔入門逕就石泉漱遙遙

欽定四庫全書

元詩選初集

王

金門寺寶焰山巖竇我豈無盡公昔見今乃又同來二

三子寢飯故相就况有杜紫微琴筑終雅奏矐矐上初
日深樾炯穿漏遙遙陟西巘萬景若迎候絕壁三面開
仰看勢引脰兩山老突兀屹立柱圓覆諸峰出頭角隨
起隨偃仆不可無煙霞朝莫為先後橫亘連巨麓飛墮
集靈鷲九華與奇巧五老失渾厚想當位置初遂欲雄
宇宙太行有缺谷勝絕無出石大似塵外人看字見高
秀哀滿下絕堅電激龍怒鬬崩奔翻雪塞瑩滑瀉瓊甍